

Aáñttu hotó din górot tákoón sa?

Alok táka & kuwaranthín or hédayotnama



Apdeith goijje 1/11/2022

Aáñra ezafí dhetha ókkol fai ar véksin mara ar kuduroti biaram fará duniyan or biaram rukár taakot hotó din táke íyan or bobote aróu maalumát or fúwati honóekzon óttu hotó din foijjonto biaram faráibou iín or babote aróu zana zárde étolla kuwarathín ar alok tákar hédayotnama ókkol bodolat ase. [Dhetha](#) mozin buzá zadde véksin mara ar kuduroti biaram fará duniyan or biaram rukár taakot gin comó baríle komzur ói áiye.

Oñnor [KOVÍDH-19 véksin or nezám kaámel goijjá](#) né iyan ot darmodargorí kuwaranthín or hédayotnama ókkol toiyar goré. KOVÍDH-19 véksin or nezám kaámel gorát maze cúwaric goijjá hárr véksin dhous ókkol or fúwati zehonó cúwaric goijjá busthar dhous ókkol cámil tákibou. Dhetha mozin zaná zadde busthar dhous ólé Omicron (Omikron) váires or zat óttu aróu beeter héfazot goré. Véksin ar kuduroti biaram fará duniyan or biaram rukár taakot hotó din táke íyan or babote aróu dhetha faár fúwati kuwaranthín ar alok tákar hédayotnama ólore ápdheith gorí zaiyoum.

KOVÍDH-19 theés pozethív óiyé yáto biaram or alamat ókkol faa giyéde maincóllo oilde alok táka. KOVÍDH-19 biaraimmar ateháñse giyéde maincóllo oilde kuwaranthín.

Zodi oñnor boc 18 bosór yáto boc aróu becí ar KOVÍDH-19 theés pozethív óile

Oñnor biaram rukár nezám komzur nekí?	Oñnottu górot maze ho din táka dorhar óibou?
Noi, aáñr biaram rukár nezám komzur noi.	Oñne theés pozethív óiyéde íyantu 5 din. 5 din badé o zodi oñnottu gaát hóraf lager yáto biaram or alamat gin táki gile, oñne bála oiza foijjonto górot tákiyo.
Ói, aáñr biaram rukár nezám komzur yáto KOVÍDH-19 loi dorómoró biaram fózzilam (íyan or maáni oilde oñnore ICU út maze, yáto ventilator (niác thanar machine) estamal gorá) ólla hóspital túla fóijje.	Zodi oñnor biaram rukár nezám komzur óile, oinno maincór tuware lamba cómoi oñnottu biaram farái bou. Oñnottu górot maze 10 oite 20 din (yáto aróu becí din) foijjonto táka forít fare. Zodi oñne KOVÍDH-19 loi dorómoró biaram fózzila yáto oñnor biaram rukár nezám komzur óile, oñnottu biaram no faráiboude thaim thík goribóllo nizer dhakhthor loi hotá hóiyó.

Zodi nizer baiccattu KOVÍDH-19 theés pozethív óiye

Oñnor baiccar biaram rukár nezám komzur nekí?	Aáñr baiccattu górot maze ho din táka dorhar óibou?
Noi, aáñr baiccar biaram rukár nezám komzur noi.	Oñnor baiccar theés pozethív óiyéde íyantu 5 din. 5 din badé o zodi nizer baiccar gaát hóraf lager yáto biaram or alamoť gin táki gile, íte yáto íba bála oiza foijjonto górot táka foribou.
Ói, aáñr baiccattu biaram rukár nezám komzur yáto KOVÍDH-19 loi dorómoró biaram fózzil (íyan or maáni oilde oñnor baiccare ICU út maze, yáto ventilator (niác thanar machine) estamal gorá) ólla hóspithal túla fóijje.	Zodi nizer baiccar biaram rukár nezám komzur óile, oinno maincór tuware lamba cómoi íte yáto íbattu biaram faráit fare. Oñnor baiccattu górot maze 10 oite 20 din (yáto aróu becí din) foijjonto táka forít fare. Zodi íte yáto íba KOVÍDH-19 loi dorómoró biaram fózzil yáto biaram rukár nezám komzur áccil, oñnor baiccattu biaram no faráiboude thaim thík goribólla nizer dhakthor loi hotá hóiyó.

Aáñr theés pozethív oón or bade aáñttu gorá foriboude indhílla aróu kessú ciz aséne?

- Górot alok tákar bade aróu 5 din foijjonto oinno zon ar aám maincór ateháñse gilé [gomgorí-fíthgoijjá maásk](#) fiñdiyo.
- Oñnor korib óilde zehonikkare íte yáto íbattu KOVÍDH-19 biaram oibor hótora aséde íyan hói diyó. Íte yáto íbattu theés gorá dorhar oibou ar górot maze [kuwaranthín](#) o táka forit fare.
- Górot maze alok táki faréfan hána yáto báragorá yáto oin-faníť modót or dhoilla fouran modót ókkol zodi oñnottu zoruroť óile 2-1-1 ot koól diyó.
- KOVÍDH-19 ottu biaram forár becí-hótora aséde indhílla maicólla ećé kessú [elaj ókkol](#) ase. Oñnorla sóbse beeter óit faréde elaj ókkol or babote nizer dhakthor loi hotá hoiyó.
- Zodi oñnor biaram or alamoť ókkol hóraf ói áiyer yáto oñnottu elaj or zoruroť óiye mone goille, éhon dhakthor ekzon loi koól goijjó yáto elaj or modót loiyó.

Boc 5 bosór oite aróu boc ola fottí ekzon ore KOVÍDH-19 ór hélaf véksin mari loibólla CDC é cúwaric gorér. Boc 12 bosór oite aróu boc ola manuic ólottu busthar dhous úggwa mari féloon sa. Pfizer yáto Moderna véksin or 2 shót (buniyadi dhous) mari féillede manuic óle tarár dusára dhous marar 5 mac bade busthar dhous úggwa mari faribou. Zodi oñnor [biaram rukár nezám komzur](#) óile, oñnottu Pfizer yáto Moderna véksin or tesára buniyadi dhous úggwa o maroon sa.

Johnson & Johnson véksin óilde cúde ek shot ola véksin. Buniyadi dhous hísafe Johnson & Johnson véksin maijjéde manuic óle véksin marar 2 mac bade busthar dhous úggwa mari faribou. Johnson & Johnson véksin maijjéde manuic óle tesára buniyadi dhous maribólla cúwaric goribar kaafí dhetha ehóno nai.

Zodi oñnor boc 18 bosór yáto boc aróu becí ar KOVÍDH-19 biaraimmar ateháñse gíla

Zodi óñne KOVÍDH-19 ólla honótte véksin nó maróóde óile	KOVÍDH-19 véksin dhous ólor taádad— ar hóñtte	Oñnottu górot hotódin takoón sa?
Zodi oñne Pfizer yáto Moderna véksin maijjóde óile	0 dhous	Oñne KOVÍDH-19 biaraimmar ateháñse gílade íyan ottu 5 din.
	2 dhous AR Zehonó brándhor busthar	Zodi oñnottu gaát hóraf no lágile górot táka no foribou.
	2 dhous ahéri 5 mác or bútoe	Zodi oñnottu gaát hóraf no lágile górot táka no foribou. Busthar dhous maribólla oñnottu kafí thaim nó guzore.
	2 dhous 5 mác ottu wáre becí guzori gíyói	Oñne KOVÍDH-19 biaraimmar ateháñse gílade íyan ottu 5 din.
	1 dhous zehonó thaim ot	Oñne KOVÍDH-19 biaraimmar ateháñse gílade íyan ottu 5 din.

Zodi oñnor boc 18 bosór yáto boc aróu becí ar KOVÍDH-19 biaraimmar ateháñse gíla (solíbou)

Zodi oñne Johnson & Johnson véksin maijjóde óile	KOVÍDH-19 véksin dhous ólor taádad— ar hóñtte	Oñnottu górot hotódin takoón sa?
	1 dhous zehonó thaim ot AR Zehonó brándhor busthar	Zodi oñnottu gaát hóraf no lágile górot táka no foribou.
	1 dhous ahéri 2 mác or bútoe	Zodi oñnottu gaát hóraf no lágile górot táka no foribou. Busthar dhous maribólla oñnottu kafí thaim nó guzore.
	1 dhous 2 mác ottu wáre becí guzori giyói	Oñne KOVÍDH-19 biaraimmar ateháñse gílade íyan ottu 5 din.
Goto 90 din (tokoriban 3 mác) or bútoe zodi oñnottu KOVÍDH-19 biaram áccil	KOVÍDH-19 véksin dhous ólor taádad— ar hóñtte	Oñnottu górot hotódin takoón sa?
	Ei haálot ot oñne hodíggín véksin maijjó íyán loi honó forók no foribou.	Zodi oñnottu gaát hóraf no lágile górot táka no foribou.
Zodi oñnottu KOVÍDH-19 biaram oóilde 90 din ottu wáre becí oile	KOVÍDH-19 véksin dhous ólor taádad— ar hóñtte	Oñnottu górot hotódin takoón sa?
	2 dhous Pfizer véksin zehonó thaim ot	Zodi oñnottu gaát hóraf no lágile górot táka no foribou.
	1 dhous Pfizer véksin zehonó thaim ot	Oñne KOVÍDH-19 biaraimmar ateháñse gílade íyan ottu 5 din. Kuduroti biaram rukár taakot gin hotókkon hasgore íyan ehóno aáñrattu zana nai.

Zodi oñnor boc 18 bosór yáto boc aróu becí ar KOVÍDH-19 biaraimmar ateháñse gíla (solíbou)

Zodi oñnottu <u>biaram rukár nezám komzur</u> yáto muktalíf biaram ókkol oibar becí hótora tákile	KOVÍDH-19 véksin dhous ólor taádad— ar hóñtte	Oñnottu górot hotódin takoón sa?
	0 dhous	Oñne KOVÍDH-19 biaraimmar ateháñse gílade íyan ottu 5 din.
	3 dhous Pfizer yáto Moderna véksin AR Zehonó brándhor busthar	Zodi oñnottu gaát hóraf no lágile górot táka no foribou.
	3 dhous Pfizer yáto Moderna véksin ahéri 5 mác or bútoe	Zodi oñnottu gaát hóraf no lágile górot táka no foribou. Oñnor teséra buniyadi dhous or bade busthar dhous maribólla oñnottu kafí thaim nó guzore.
	3 dhous Pfizer yáto Moderna véksin 5 mác ottu wáre becí guzori giyói	Oñne KOVÍDH-19 biaraimmar ateháñse gílade íyan ottu 5 din.
	2 dhous Pfizer yáto Moderna véksin zehonó thaim ot	Oñne KOVÍDH-19 biaraimmar ateháñse gílade íyan ottu 5 din.
	1 dhous Pfizer yáto Moderna véksin zehonó thaim ot	Oñne KOVÍDH-19 biaraimmar ateháñse gílade íyan ottu 5 din.

Zodi oñnor baicca gwa KOVÍDH-19 biaraimmar ateháñse gíye

Zodi ónnor baicá re KOVÍDH-19 ólla honótte véksin nó maróde óile	KOVÍDH-19 véksin dhous ólor taádad— ar hóñtte	Oñnottu górot hotódin takoón sa?
Zodi oñnor baicáre Pfizer véksin maijjóde óile	0 dhous	Oñne KOVÍDH-19 biaraimmar ateháñse gílade íyan ottu 5 din.
	2 dhous Pfizer véksin zehonó thaim ot	Zodi oñnor baicáttu gaát hóraf no lágile íte yáto íbattu górot táka no foribou.
	1 dhous Pfizer véksin zehonó thaim ot	Oñnor baicca gwa KOVÍDH-19 biaraimmar ateháñse gíyéde íyan ottu 5 din
Zodi oñnor baicáttu biaram rukár nezám komzur yáto muktalíf biaram ókkol oibar becí hótora tákile	KOVÍDH-19 véksin dhous ólor taádad— ar hóñtte	Oñnottu górot hotódin takoón sa?
	2 dhous zehonó thaim ot	Zodi oñnor baicáttu gaát hóraf no lágile íte yáto íbattu górot táka no foribou.
	1 dhous zehonó thaim ot	Oñnor baicca gwa KOVÍDH-19 biaraimmar ateháñse gíyéde íyan ottu 5 din

Zodi oñnor baicca gwa KOVÍDH-19 biaraimmar ateháñse gilé (solíbou)

Goto 90 din (tokoriban 3 mác) or bútoze zodi oñnor fuwáttu KOVÍDH-19 biaram áccil	Oñnor baicá re maijjóde KOVÍDH-19 véksin or taádad ar ítarar ahéri dhous hóñtte	Oñnor baicáttu górot hotódin takoón sa?
Zodi oñnor baicáttu KOVÍDH-19 biaram oóilde 90 din ottu wáre becí oile	Ei haálot ot oñnor baicá re hodíggin véksin maijjó iyán loi honó forók no foribou.	Zodi oñnor baicáttu gaát hóraf no lágile ítarattu górot táka no foribou.
	Oñnor baicá re maijjóde KOVÍDH-19 véksin or taádad ar ítarar ahéri dhous hóñtte	Oñnor baicáttu górot hotódin takoón sa?
	2 dhous Pfizer véksin zehonó thaim ot	Zodi oñnor baicáttu gaát hóraf no lágile íte yáto íbattu górot táka no foribou.
	1 dhous Pfizer véksin zehonó thaim ot	Oñnor baicca gwa KOVÍDH-19 biaraimmar ateháñse gýéde íyan ottu 5 din

Aáni KOVÍDH-19 biaraimmar ateháñse úwar bade aáñttu gorá foriboude indhílla aróu kessú ciz aséne?

- KOVÍDH-19 ola honíkkar ateháñse zaiyóre bade 10 din foijjonto oinno zon ar aám maincór ateháñse gilé [gomgorí-fithgoijjá maásk](#) fiñdiyo.
- Oñne biaraimmar ateháñse gýóde iyar 5 din bade theés gorái loiyó.
- Oñne biaraimmar ateháñse gýóde iyar bade 10 foijjonto biaram or alamat ólor kíyal raikko. Zodi oñnottu gaát hóraf lager yáto biaram or alamat ókkol foida oile, zodi o íin háлка ouk, fóuran alok tákiyore theés goijjó.

Zodi oñne takóde yáto ham goróde zagat oñne ar oinno manuic ókkol ottu KOVÍDH-19 biaram or becí hótora tákile oñnottu 5 din ottu wáre becí lamba thaim kuwaranthín yáto alok táka forit fare. Esláhi zaga (jiyól hána), lamba-muddoti dekbal or zaga, yáto gór sára maincór tákibar zaga dhoilla thalmajja séthing ot táke yáto ham goróde manuic ólottu CDC ír [éi hédayotnama gin](#) ore mani soloón sa. Sehét dekbali hamgorouya ólottu CDC ír [éi hédayotnama gin](#) ore mani soloón sa.

Aróu maalumat ólla, vízith goró:

- <https://www.cdc.gov/coronavirus/2019-ncov/your-health/quarantine-isolation.html>
- <https://www.cdc.gov/coronavirus/2019-ncov/vaccines/recommendations/immuno.html>